



Broj: 04-1233-2 /20
Datum: 02.09.2020.godine

Na osnovu člana 44. stava 1.) tačke (5) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), člana 26 stav 1.) alineja a) Statuta Zavoda za zapošljavanje Brčko distrikta BiH –prečišćen tekst (br. 04-139/16, 04-1026/16, 04-1810/16, 04-1546/18, 04-2007/18, 04-785/19 i 04-1101/19) i Pravilnika o mjerama za podsticaj zapošljavanja-prečišćen tekst (br. 04-1409/16, 04-1013/17, 04-1955/17 i 04-1164/18), Upravni odbor Zavoda za zapošljavanje Brčko distrikta BiH (u daljnjem tekstu: "Upravni odbor"), donio je Odluku broj: 04-1233/20, dana 02.09.2020.godine, da Zavod za zapošljavanje Brčko distrikta BiH (u daljem tekstu: Zavod) objavi

JAVNI POZIV

poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu

Cilj ovog Javnog poziva je stvaranje uslova za odlazak u penziju lica starije životne dobi, dugoročnost u zapošljavanju lica starije životne dobi, povećanje socijalne uključenosti i zapošljavanja osoba sa invaliditetom i civilnih žrtava rata, podrška zapošljavanju djece poginulih boraca i RVI, omogućavanje sticanja prvog radnog iskustva, smanjenje odliva nezaposlenih mladih osoba usljed odlaska u inostranstvo podrškom zapošljavanja kroz sufinansiranje bruto plate/a.

I - Finansijska sredstva

Finansijska sredstva za realizaciju obezbjeđuje Zavod za zapošljavanje Brčko distrikta BiH u iznosu od 1.000.000,00 KM za sufinansiranje, kako slijedi:

- NK-SSS - 7.200,00 KM / po zaposlenom licu
- VŠS-VSS - 9.600,00 KM / po zaposlenom licu

Sredstva za sufinansiranje zapošljavanja plasiraju se za sljedeće ciljne grupe:

1. Dugoročno nezaposlena lica (preko 12 mjeseci)
2. Lica koja stiču prvo radno iskustvo
3. Lica mlađe životne dobi (do 30 godina starosti)
4. Lica starije životne dobi (50 godina i više)
5. Osobe sa invaliditetom (invalidnost 50% i više)
6. Djeca poginulih boraca i RVI (invalidnost RVI 50% i više)
7. Civilne žrtve rata i djeca civilnih žrtava rata

Sredstva su namijenjena poslodavcima čije se prijave odnose na zapošljavanje lica sa NK, KV, VKV ili SSS (24 mjeseca x 300,00 KM (učesće Zavoda) - neto plata po zaposlenom iznosi minimalno 500,00 KM);

Sredstva su namijenjena poslodavcima čije se prijave odnose na zapošljavanje lica sa VŠS ili VSS (24 mjeseca x 400,00 KM (učesće Zavoda) - neto plata po zaposlenom iznosi minimalno 700,00 KM).



II – Korisnici programa

Korisnici po ovom programu su poslovni subjekti koji imaju registrovanu poslovnu djelatnost na teritoriji Brčko distrikta Bosne i Hercegovine i redovno izmiruju obaveze po osnovu obaveznih poreza i doprinosa.

Za zapošljavanje lica u stepenu stručne spreme od NK do SSS predviđena su sredstva Zavoda, kako slijedi:

- 7.200,00 KM po zaposlenom radniku, planirano zapošljavanje 100 lica

Za zapošljavanje lica u stepenu stručne spreme od VŠS do VSS predviđena su sredstva Zavoda, kako slijedi:

- 9.600,00 KM po zaposlenom radniku, planirano zapošljavanje 31 lica

Poslodavcima se, po ovom Javnom pozivu, po gore navedenim programima, može odobriti sufinansiranje zapošljavanja maksimalno (ukupno) 3 lica sa aktivne evidencije nezaposlenih, gdje taj broj ne prelazi 50% ukupnog broja zaposlenih lica na neodređeno vrijeme tog poslovnog subjekta na dan objavljivanja javnog poziva, izuzev poslovnih subjekata registrovanih u 2020. godini koji mogu koristiti podsticajna sredstva po ovom programu za zapošljavanje najviše do 1 lica sa aktivne evidencije nezaposlenih.

Poslodavac je obavezan, lice čije se zapošljavanje sufinansira, zadržati u radnom odnosu minimalno 24 mjeseca.

III - Lica koja mogu biti zaposlena po ovom javnom pozivu

Opšti kriterijumi koje moraju da ispunjavaju lica čije se zaposlenje sufinansira:

- Da se vodi na evidenciji lica koja aktivno traže zaposlenje u Zavodu za zapošljavanje Brčko distrikta BiH, te da ista imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva
- Za lica koja spadaju u ciljnu grupu „Dugoročno nezaposlena lica“ moraju da budu prijavljena na evidenciji Zavoda najmanje 12 mjeseci od datuma posljednje prijave na evidenciju do dana objave javnog poziva
- Za lica koja spadaju u ciljnu grupu „Lica koja stiču prvo radno iskustvo“ da u stručnoj spremi u kojoj se vode u momentu objave Javnog poziva, nemaju radno iskustvo
- Za lica koja spadaju u ciljnu grupu „Lica mlađe životne dobi“ da su mlađa od 30 godina starosti do momenta objave Javnog poziva
- Za lica koja spadaju u ciljnu grupu „Lica starije životne dobi“ da imaju 50 godina starosti i više, do momenta objave Javnog poziva
- Za lica koja spadaju u ciljnu grupu „Osobe sa invaliditetom“ da posjeduju dokaz nadležne ustanove o invalidnosti 50% i više
- Za lica koja spadaju u ciljnu grupu „Djeca poginulih boraca i RVI“ da posjeduju dokaz nadležne ustanove o smrti poginulog borca ili uvjerenje o invalidnosti 50% i više
- Za lica koja spadaju u ciljnu grupu „Civilne žrtve rata i djeca civilnih žrtava rata“ da posjeduju dokaz nadležne ustanove o priznavanju statusa

Nezaposlena lica sa aktivne evidencije Zavoda za koja poslodavci apliciraju po programu zapošljavanja, a spadaju u ciljnu grupu „Lica koja stiču prvo radno iskustvo“, obavezna su posjedovati uvjerenje nadležnog organa PIO/MIO da u stručnoj spremi u kome se vode u momentu objave Javnog poziva, nemaju radnog staža u navedenom stepenu stručne spreme, ne starije od tri mjeseca, koje poslodavac dostavlja Zavodu.



Nezaposlena lica sa aktivne evidencije Zavoda, za koja poslodavci apliciraju po programu zapošljavanja lica a spadaju u kategoriju - djeca poginulih boraca, obavezna su posjedovati dokaz nadležne ustanove koji poslodavac dostavlja Zavodu.

Nezaposlena lica sa aktivne evidencije Zavoda za koja poslodavci apliciraju po programu zapošljavanja, a spadaju u kategoriju osoba sa invaliditetom i djece poginulih boraca i RVI, obavezna su posjedovati dokaz nadležne ustanove o invalidnosti koji poslodavac dostavlja Zavodu.

Nezaposlena lica sa aktivne evidencije Zavoda, za koja poslodavci apliciraju po programu zapošljavanja lica a spadaju u kategoriju – civilna žrtva rata i djeca civilnih žrtava rata, obavezna su posjedovati dokaz nadležne ustanove koji poslodavac dostavlja Zavodu.

U obzir će se uzimati, samo, aplikacije za zapošljavanje lica koja posjeduju dokaz iz kojeg je vidljivo da osoba ima 50 % invalidnosti ili više.

U slučaju da je invalidnost lica izražena u stepenu, a ne u procentu invalidnosti, osoba je obavezna dostaviti uvjerenje koje je konvertovano od strane nadležne ustanove, iz stepena u procenat invalidnosti.

Ukoliko je stepen/procenat invalidnosti bio predmetom revizije, dostavlja se kopija posljednjeg važećeg dokaza o invalidnosti osobe.

Finansirana će biti i lica koja su radni odnos zasnovala u tekućoj, 2020. godini, s tim da su prije zasnivanja radnog odnosa u 2020. godini bila prijavljena na aktivnoj evidenciji nezaposlenih lica Zavoda za zapošljavanje Brčko distrikta BiH prije zapošljavanja, te da imaju prijavljeno prebivalište u Brčko distriktu BiH ne kraće od tri mjeseca prije objavljivanja javnog poziva. Programom će se dati prioritet poslodavcima koji:

- su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), što dokazuju validnom dokumentacijom ;
- su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), što dokazuju validnom dokumentacijom;
- aktivno učestovali u Programu usklađivanja tržišta rada i sistema obrazovanja – karijerno usmjeravanje i savjetovanje, sa popunjenom anketom;
- koji imaju veći broj zaposlenih radnika u radnom odnosu na neodređeno vrijeme

IV – Odbacivanje zahtjeva za korištenje sredstava

Komisija za obradu i ocjenu programa zapošljavanja za 2020.godinu (u daljem tekstu: Komisija) neće vršiti obradu i ocjenu programa poslodavca za korištenje sredstava za podsticaj zapošljavanja, po ovom Javnom pozivu, i predložiće odbacivanje istog, u sljedećim slučajevima :

- a) koji ne ispunjavaju uslove iz Zakona o zapošljavanju i pravima za vrijeme nezaposlenosti, Pravilnika o mjerama za podsticaj zapošljavanja i ovog javnog poziva;
- b) kod kojih nadležni organ uprave u tekućoj godini utvrdi i Zavodu dostavi akt da je kod poslodavca utvrđen rad lica bez ugovora o radu ili ga poslodavac nije prijavio na PIO/MIO i zdravstveno osiguranje;
- c) kod kojih nadležni organ uprave u tekućoj godini utvrdi da lice obavlja samostalnu djelatnost koja nije registrovana u skladu sa zakonom;
- d) koji ne dostave potpunu prijavu;
- e) kod kojih, broj zaposlenih na neodređeno vrijeme u mjesecu koji prethodi mjesecu objavljivanja javnog poziva, je manji od broja zaposlenih na neodređeno vrijeme na dan 31.12.2019.godine, izuzev u slučaju smrti i penzionisanja radnika, kao i u slučaju svojevrijemnog prestanka radnog odnosa ali pod uslovom da umjesto tog radnika, do momenta zaključivanja javnog poziva, primi drugog radnika u radni odnos na neodređeno vrijeme;



- f) koji su registrovani u skladu sa Zakonom o udruženjima građana i fondacijama Brčko distrikta BiH i Zakonom o mjesnim zajednicama u Brčko distriktu BiH. Izuzetno od ovog stava, sredstva namijenjena za zapošljavanje nezaposlenih lica iz kategorije teže zapošljivih ciljnih grupa, mogu se dodijeliti i udruženjima građana, pod uslovom da udruženje ima najmanje jedno lice zaposleno na neodređeno vrijeme;
- g) ukoliko je aplikant javna ustanova;
- h) ukoliko je aplikant javno preduzeće;
- i) ukoliko je aplikant organ uprave ili drugi budžetski korisnik;
- j) ukoliko je aplikant visokoškolska ustanova;

V – Obaveze poslodavaca

Poslodavci čiji Programi budu podržani dužni su, u ostavljenom roku dostaviti, sljedeću dokumentaciju:

1. kopiju rješenja o osnivanju pravnog lica ili preduzetnika;
2. kopiju rešenja o registraciji poreznog obveznika u Poreznoj upravi Brčko distrikta BiH (JIB);
3. kopiju obavještenja o razvrstavanju poslovnog i drugog subjekta prema djelatnosti izdatog od Agencije za statistiku, Ekspozitura Brčko, sa naznačenom pretežnom djelatnošću;
4. kopiju kartona deponovanog/ih potpis/a, osobe/a ovlaštene/i/h za raspolaganje sredstvima na tekućem računu, one banke na čiji račun će biti uplaćivana sredstva;
5. uvjerenje o izmirenim obavezama sa stanjem mjeseca koji prethodi mjesecu objave javnog poziva (avgust 2020. godine), po osnovu direktnih poreza i doprinosa za PIO/MIO, za slučaj nezaposlenosti i zdravstveno osiguranje, original ili ovjerenu kopiju;
6. potpisanu i ovjerenu izjavu, od strane firme koja aplicira, o prijavi radnika na Fond penzijsko-invalidskog osiguranja Republike Srpske - PIO RS, Federalni Zavod za penzijsko-invalidsko / mirovinsko-invalidsko osiguranje PIO/MIO, ili su radnici prijavljeni kod PIO RS i PIO/MIO Federacije BiH;
7. obrazac MIP (mjesečni izvještaj o platama) za decembar 2019. godine i za mjesec koji prethodi mjesecu objave javnog poziva (avgust 2020.godine) kojim se dokazuje da broj zaposlenih na neodređeno vrijeme na dan objavljivanja javnog poziva nije manji od broja zaposlenih na neodređeno vrijeme na dan 31.12.2019.godine
8. spisak lica koje poslodavac namjerava zaposliti ili je zaposlio u tekućoj 2020. godini, sa aktivne evidencije Zavoda za zapošljavanje Brčko distrikta BiH (unosi se i u Prijavu za učešće na javnom pozivu);
9. ovjerenu izjavu poslodavca da će lice, čije se zapošljavanje finansira, zadržati u radnom odnosu minimalno 24 mjeseca;
10. ovjerenu izjavu da, po ovom programu, ne zapošljava nezaposleno lice kome je kod istog poslodavca prestao radni odnos u posljednja 24 mjeseca do momenta objavljivanja javnog poziva;
11. ovjerenu izjavu da za lice koje želi zaposliti putem ovog javnog poziva, nije ostvario sredstva podsticaja u Vladi BD BiH ili po bilo kom drugom osnovu;
12. ukoliko su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposlen pripravnik, fotokopiju radne knjižice pripravnika koji je zadržan u radnom odnosu, ugovor o obavljanju pripravničkog staža;
13. ukoliko su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), (dostaviti kopije MIP-a za mjesec godine u kojoj je zaposleno lice po programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu)
14. kopiju posljednjeg važećeg dokaza o invalidnosti osobe koju namjerava zaposliti ili je zaposlio;
15. uvjerenje nadležnog organa PIO/MIO za lice koje želi zaposliti ili je zaposlio a koje stiče prvo radno iskustvo u stručnoj spremi u kome se vode u momentu objave Javnog poziva, da isto nema radnog staža u navedenom stepenu stručne spreme, ne starije od tri mjeseca;



16. uvjerenje nadležnog organa o statusu stečenom po osnovu Zakona o dopunskim pravima porodica poginulih boraca i ratnih vojnih invalida, a koje ne može biti starije od tri mjeseca;
17. uvjerenje nadležnog organa o statusu civilne žrtve rata (za djecu civilnih žrtava rata i dokaz o srodstvu sa civilnom žrtvom rata);
18. potvrdu ili listing o radnom stažu iz PIO/MIO lica koje želi zaposliti ili je zaposlio starije životne dobi 50 ili više, godina starosti, koja imaju 10 i više godina radnog staža (bez ratnog staža);
19. druga dokumentacija za koju Komisija ocijeni da može biti od značaja prilikom rješavanja prijave.

VI – Bodovanje i rangiranje

Bodovanje i rangiranje zahtjeva poslodavaca-aplikanata vršiće Komisija koja će u skladu sa objavljenim kriterijima izvršiti rangiranje nakon provjere dostavljene dokumentacije.

Komisija, koju imenuje Direktor Zavoda, sastoji se od pet članova, od kojih su dva člana zaposlenici Zavoda, po jedan predstavnik Odjeljenja za privredni razvoj, sport i kulturu Vlade BD BiH, Sindikata BD BiH i jedan član Udruženja poslodavaca BD BiH.

- a) Nepotpune i neblagovremene prijave neće biti uzete u obzir prilikom rangiranja.
- b) Prema osnovnim kriterijima za vrednovanje prijava, vrši se provjera podataka za lica - na osnovu službene evidencije Zavoda i Odjeljenja za javni registar Brčko distrikta BiH i za poslodavce - na osnovu podataka koje je Zavod dobio od Inspektorata Brčko distrikta BiH u 2020. godini do momenta objave javnog poziva, i sačinjava se preliminarna rang lista.

Ocjena programa zapošljavanja vrši se dodjeljivanjem bodova, na osnovu sljedećih kriterija:

- a) Pretežna djelatnost poslodavca:
 1. proizvodna djelatnost – 100 bodova (osnovni broj bodova)
 2. ostale djelatnosti – 80 bodova (osnovni broj bodova)
- b) Poslodavcima koji su koristili sredstva za zapošljavanje po prethodnim programima aktivne politike zapošljavanja i zapošljavana pripravnika, koje je provodio Zavod, a po završetku obaveza iz programa su lica zadržali u radnom odnosu (da rade i sada u tim firmama) vrednuje se sa 5 bodova, za svako lice,
- c) Poslodavcima se dodjeljuje određen broj bodova zavisno od broj zaposlenih radnika na neodređeno vrijeme, vrednovanje se vrši po 1 bod, za svako lice,
- d) Poslodavcima koji zapošljavaju ili su zaposlili lice iz ciljne grupe „Dugoročno nezaposlena lica“, ista će biti bodovana za period koji se nalaze na evidenciji i to od datuma posljednje prijave na evidenciju do dana objave javnog poziva ili dana zaposlenja, kako slijedi: od 1 do 2 godine - 1 bod; od 2 do 4 godine 2 boda; od 4 do 7 godina 3 boda; od 7 do 10 godina - 4 boda; od 10 – 13 godina - 5 bodova; od 13 – 15 godina - 6 bodova, od 15 – 17 godina - 7 bodova; od 17 – 20 godina - 8 bodova; od 20 – 25 godina - 9 bodova i od 25 i više godina - 10 bodova (bodovanje se vrši isključivo za lica za koja poslodavac aplicira),
- e) Poslodavcima koji zapošljavaju ili su zaposlili u 2020.-oj godini lice starije životne dobi koje ima 10 ili više godina radnog staža, priznatog od nadležnih fondova PIO/MIO, vrednovanje se vrši sa 10 bodova, za svako lice (bodovanje se vrši isključivo za lica za koja poslodavac aplicira),
- f) Poslodavcima koji zapošljavaju ili su zaposlili u 2020.-oj godini lice iz navedenih ciljnih grupa, isto će biti vrednovano po stepenu stručne spreme u tom zanimanju i to: Doktorat - 10 bodova; Magisterij/Master - 9 bodova; VSS - 8 bodova; VŠS - 7 boda; VKV – 6 bodova, SSS četvrti stepen - 5 bodova; SSS/KV treći stepen - 4 boda, PK drugi stepen – 3 boda, NK – 2 boda (bodovanje se vrši isključivo za lica za koja poslodavac aplicira),
- g) Poslodavcima koji zapošljavaju ili su zaposlili osobu sa invaliditetom, vrednuje se dodatnim bodovima i to po procentu invalidnosti: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova,



kao i za zapošljavanje djece RVI i to kako slijedi, po procentu invalidnosti: 50% - 5 bodova, 60% - 6 bodova, 70% - 7 bodova, 80% - 8 bodova, 90% - 9 bodova, 100% - 10 bodova, djeca poginulih boraca- 10 bodova (bodovanje se vrši isključivo za lica za koja poslodavac aplicira),

- h) Poslodavcima koji zapošljavaju ili su zaposlili lice proglašeno civilnom žrtvom rata ili djetе civilne žrtve rata, vrednuje se dodatnih 10 bodovima (bodovanje se vrši isključivo za lica za koja poslodavac aplicira),
- i) ukoliko je poslodavac tokom fiskalne 2020.-e godine otpustio radnika koji je ostvario pravo na novčanu naknadu za vrijeme nezaposlenosti, u Zavodu, od ukupnog broja bodova, odbija se, za svako lice koje je koristilo/ koristi novčanu naknadu, 10 bodova,
- j) ukoliko je poslodavac uzeo aktivno učešće kroz Program karijernog usmjeravanja i savjetovanja učestvovao u anketiranju, vrednuje se sa 5 bodova,
- k) ukoliko poslodavac zapošljava ili je zaposlio u 2020.-oj godini nezaposleno lice koje je učestvovalo u radu Kluba za traženje posla ili u procesu individualnog savjetovanja, svako lice vrednuje se sa 5 bodova (bodovanje se vrši isključivo za lica za koja poslodavac aplicira).

VII – Preliminarna lista

Nakon ocjena programa zapošljavanja Komisija sačinjava preliminarnu rang listu poslodavaca sa utvrđenim brojem lica koja će biti zaposlena i iznosom sredstava koja će poslodavcima biti isplaćena prema broju ostvarenih bodova sa napomenom da ukoliko više rangiranih lica ima isti broj bodova prioritet se daje proizvodnim firmama i na kraju licima s aktivne evidencije Zavoda, saglasno dužini čekanja uzimajući u obzir datum posljednje prijave u tom stepenu stručne spreme.

Potrebnu dokumentaciju navedenu u Prijavi i izjavi, poslodavci su dužni dostaviti Zavodu za zapošljavanje Brčko distrikta BiH, u roku od deset dana od dana objavljivanja rang liste.

Ukoliko poslodavci sa rang liste ne dostave traženu dokumentaciju u ostavljenom roku, ukoliko dokumentacija ne odgovara datoj izjavi, ukoliko je nepotpuna dokumentacija, ukoliko poslodavci odustanu od podnesenog zahtjeva ili traženog lica i sl., a kojima se odobravaju sredstva podsticaja do iznosa utvrđenog Javnim pozivom i Odlukom direktora Zavoda za zapošljavanje Brčko distrikta BiH, sredstva će biti dodijeljena sljedeće rangiranim poslodavcima.

VIII – Ugovor i ugovorne obaveze poslodavaca

Nakon što direktor Zavoda potvrdi rang listu poslodavaca, predloženu od strane Komisije, sa istima se vrši potpisivanje ugovora o korištenju sredstava po Javnom pozivu poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu.

- (1) Nakon potpisivanja ugovora, Zavod isplaćuje ugovoreni iznos korisniku sredstava mjesečno, u 24 jednake rate, po dostavljanju dokumentacije, ili u jednokratnom iznosu pod uslovom da je korisnik sredstava dostavio bankarsku garanciju koja glasi na ukupan iznos sredstava podsticaja, na period od, minimalno, 24 mjeseca (ugovorom će biti preciziran rok na koji garancija treba biti izdata).
- (2) Dokumentacija koju je poslodavac dužan mjesečno dostavljati Zavodu radi sačinjavanja Izvještaja o ispunjavanju uslova za isplatu i Izvještaja o poštovanju ugovornih obaveza je:
 - a) potpisane i ovjerene platne liste za plate lica čije se zapošljavanje finansira,
 - b) uplatnice za pojedinačne isplate plata (za sufinansirana lica) u slučaju zbirne uplate plata, kopije izvoda banke iz kojih je vidljiva isplata pojedinačnih neto plata, poreza i doprinosa za sva zaposlena lica,
 - c) mjesečni izvještaj o isplaćenim platama (obrazac MIP 1023 i obrazac 2002),



d) pregled prisustva/odsustva na/sa poslu/a.

Poslodavac, u periodu ugovornog odnosa, mora zadržati broj radnika na neodređeno vrijeme koje je imao u mjesecu koji prethodi mjesecu objave javnog poziva uvećan za broj lica čije se zapošljavanje sufinansira po ovom Javnom pozivu, izuzev u slučaju smanjenja ukupnog broja radnika po osnovu smrti ili penzionisanja radnika.

(1) Zavod kontinuirano prati realizaciju ugovornih obaveza poslodavca na sljedeći način:

- a) provjerom dokumentacije koju poslodavac mjesečno dostavlja radi pravdanja odobrenih sredstava,
- b) kontrolom provođenja ugovornih obaveza neposredno kod poslodavca, ukoliko se za to ukaže potreba.

(2) U slučaju raskida ugovora o radu sa sufinansiranim licem, poslodavac je dužan odmah o tome obavijestiti Zavod i u roku od 30 dana zaključiti ugovor o radu sa licem koja ispunjava uslove za zamjenu na preostali period ugovorne obaveze.

(3) Ukoliko se utvrdi da poslodavac ne ispunjava ugovorne obaveze pokreće se postupak raskida ugovora, u skladu sa Pravilnikom o mjerama podsticaja za zapošljavanje i Ugovorom zaključenim između Zavoda i Korisnika sredstava.

IX – Objava Javnog poziva - trajanje

Javni poziv će biti objavljen u sredstvima javnog informisanja, na oglasnoj ploči Zavoda i web stranici Zavoda www.zzzbrcko.org

Sastavni dio Javnog poziva je Prijava za učešće na Javni poziv poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu, i izjave.

Obrazac Prijave za učešće na Javnom pozivu poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu, i izjave, možete preuzeti u Zavodu za zapošljavanje Brčko distrikta BiH ili na web stranici www.zzzbrcko.org.

Prijave na javni poziv poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu, dostaviti putem protokola Zavoda za zapošljavanje Brčko distrikta BiH, kancelarija broj 9.

Poziv ostaje otvoren od 04.09.2020.godine, do 18.09.2020. godine.

X – Potrebna dokumentacija uz Prijavu na Javni poziv

U navedenom terminu poslodavci su dužni dostaviti, uredno popunjenu Prijavu, Izjave, Obavještenje o razvrstavanju poslovnog i drugog subjekta prema djelatnosti, dokaz nadležne ustanove o invalidnosti lica, dokaz nadležne ustanove o statusu djeteta poginulog borca ili RVI invalidnosti lica, dokaz nadležne ustanove o statusu civilne žrtve rata (srodništva sa civilnom žrtvom rata), za lica koje želi zaposliti ili je zaposlio starije životne dobi 50 ili više, godina starosti, koja imaju 10 i više godina radnog staža (bez ratnog staža) dostaviti potvrdu ili listing o radnom stažu iz PIO/MIO i ugovor o radu, prijavu na PIO/MIO i zdravstveno osiguranje ukoliko je lice već prijavljeno u 2020.godini.

Poslodavci koji su koristili sredstva za zapošljavanje pripravnika po prethodnim javnim pozivima, a iste su zadržali u radnom odnosu (da rade i sada u tim firmama), u obavezi su dostaviti kopije MIP-a za mjesec godine u kojoj je zaposlen pripravnik, fotokopiju radne knjižice pripravnika koji je zadržan u radnom odnosu, ugovor o obavljanju pripravnčkog staža, kao i poslodavci



ZAVOD ZA ZAPOSŁJAVANJE BRČKO DISTRIKTA BiH
ЗАВОД ЗА ЗАПОШЉАВАЊЕ БРЧКО ДИСТРИКТА БИХ
EMPLOYMENT INSTITUTE OF BRČKO DISTRICT OF BiH

📍 Fra Šimuna Filipovića br. 2,
76100, Brčko distrikt BiH
☎ 049 217 411
📠 049 217 412


📍 Фра Шимуна Филиповића бр. 2,
76100, Брчко дистрикт БиХ
🌐 www.zzzbrcko.org
✉ info@zzzbrcko.org

koji su koristili sredstva za zapošljavanje po prethodnim programima aktivne politike zapošljavanja i po završetku obaveza iz programa su lica zadržali u radnom odnosu (da rade i sada u tim firmama), dostavljaju kopije MIP-a za mjesec godine u kojoj je zaposleno lice po programu, fotokopiju radne knjižice lica koje je zadržano u radnom odnosu, ugovor o radu lica koje je zadržano u radnom odnosu, u svrhu bodovanja po navedenim uslovima iz Javnog poziva.

Na osnovu Prijave i Izjava, Komisija za obradu i ocjenu programa zapošljavanja će sačiniti preliminarnu rang listu koju će usvojiti direktora Zavoda i kao takva će biti objavljena na web stranici www.zzzbrcko.org i oglasnoj tabli Zavoda.

XI – Rok žalbe

Žalbe na objavljenu Rang listu se mogu uložiti u pisanoj formi u roku od osam dana od dana objavljivanja, Upravnom odboru Zavoda, sa naznakom „Žalba na Rang listu po Javnom pozivu poslodavcima za zapošljavanje nezaposlenih lica iz kategorije teže zapošljivih sa aktivne evidencije Zavoda za zapošljavanje Brčko distrikta BiH za 2020. godinu „ u Zavodu za zapošljavanje Brčko distrikta BiH, „ Fra Šimuna Filipovića „ 2.



Predsjednik Upravnog odbora

/Rasim Smajlović dipl. pravnik/